

# LEWALITABA

Leselinyana la Lekhotla la Taolo ea Motlakase le Metsi Lesotho

## TSE KA SEHLOOHONG:

Tšenyō ea thepa ea  
motlakase le metsi e  
tšoanela ho emisa 7



## KA KHATISONG ENA...

**3** Sechaba se nonyōa  
maikutlo holima Kopo  
ea LEC ea litefiso tsa  
2019/20 tsa LEC

**10** Boithuto ka mekhahlelo  
ea basebelisi ba  
litšebeletso tsa WASCO

**12** Lintlha tsa bohlokoa  
mabapi le tharollo  
ea litletlebo

# Motlakase o **kotsi** ha o sa sebelisoa ka hloko!




Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.

Lekhotla la Taolo ea Motlakase le Metsi Lesotho (LEWA)  
le na le boikarabello ba ho hlokomelisa sechaba ka tšebeliso e mpe ea motlakase le bokotsi ba oona.

Ho fumana tlhakisetso e felletseng, ikopanye le rona: 7<sup>th</sup> Floor, Moposo House, Kingsway, Maseru, Lesotho

Tel: +266 22 312479 • Fax: +266 22 315094 • Email: [secretary@lewa.org.ls](mailto:secretary@lewa.org.ls)





## LEWALITABA

LEKHOTLA  
LA TAOLO EA  
MOTLAKASE LE METSI

7 Floor, Moposo House, Kingsway  
Private Bag A315 • Maseru  
Maseru • Lesotho  
Tel: +266 22312479  
Fax: +266 22315094  
E-mail: [secretary@lewa.org.ls](mailto:secretary@lewa.org.ls)  
Website: [www.lewa.org.ls](http://www.lewa.org.ls)

MOKAMOLI  
Lebohang K. Moleko  
Email: [lmoleko@lewa.org.ls](mailto:lmoleko@lewa.org.ls)

MOKAMOLI OA LEFAPHA LA  
LITABA TSA SECHABA  
Shao Khatala  
Email: [skhatala@lewa.org.ls](mailto:skhatala@lewa.org.ls)

OFISIRI EA LITABA TSA SECHABA  
Sebusi Khanyela  
Email: [skhanyela@lewa.org.ls](mailto:skhanyela@lewa.org.ls)

LEWA LITABA ke leselinyana la Lekhotla  
la Taolo ea Motlakase le Metsi.  
Le hatisoa ka Senyesemane le Sesotho.  
Le fuoa batho bohle ba nang le thahasello  
litabeng tsa Lekhotla.

Maikutlo a hlahang leselinyaneng ha  
se a Lekhotla. Lipapatso tse hlahang  
ka ho lona ha se tse supang maikutlo  
a Lekhotla.

Litaba tse hlahang ka ho lona li ka  
hatisoa ntle le tefello ha feela ho  
ngoloe hore li tsoa ho LEWA LITABA.  
Re ipiletsa hore batho ba eelloe hore  
ho nka nakoana ho etsetsa, ho tlosa  
le ho etsa liphetoho lethathamong la  
batho ba fumanang LEWA LITABA.

Boqapi © LEWALITABA 2019

# TSE KA HARE

## MOLAETSA KA MOOKAMELI

Tseba ka mekhahlelo ea basebelisi ba metsi 2

## SECHABA SE NONYOA MAIKUTLO HOLIMA

kopo ea LEC ea litefiso tsa 2019/20 tsa LEC 3

## MEKHOA EA HO

boloka metsi 6

## TŠENYO EA THEPA

ea motlakase le metsi e tšoanela ho emisa 7

## MEKHOA EA HO

boloka motlakase 9

## BOITHUTO KA MEKHAHLELO EA BASEBELISI

ba litšebeletso tsa WASCO 10

## METHATI EA HO ARABELA LITLETLEBO,

lipotso le likopo bakeng sa LEC le WASCO 11

## LINTLHA TSA BOHLOKOA

mabapi le tharollo ea litletlebo 12

## LIOFISIRI TSA MATLA TSA SADC LI BUISANA KA NTŠETSO-PELE

ea ho sebelisa matla a inchafatsang ka tsela ea moshoelella 13

## LIPEHELO TSA HO RAROLLA MATHATA

a marang-rang a motlakase 14



Babali ba khabane,

**K**ea le amohela leselinyaneng lena le phethelang selemo sa 2018/19. Leselinyana lena joaloka amang ke mohloli oa litaba tse reretsoeng ho le beha sehlohlolong sa lietsahala kahar'a Lekhotla la Taolo ea Motlakase le Metsi Lesotho (LEWA) ka nako ena.

Ka hara phatlalatso ena, le tla fumana litaba tse mabapi le Kopo ea Nyollo ea litheko tsa Motlakase ea 2019/20 ea K'hamphani ea Motlakase Lesotho (LEC), haholo litaba tse holim'a ho nonya sechaba maikutlo literekeng tse hloailoeng. Tlhakisetso holima mathata a bakoang ke tšenyho thepeng ea phephelo ea motlakase ea LEC le ea K'hamphani ea Metsi le Likhoerekhoere (WASCO) e hlalositsoe. Joalokaha re phela nakong ea moruo o tetemang, leselinyana le boetse le na le likeletso tsa ho boloka metsi le motlakase. Likeletso tsena li thusa basebelisi ba litšebeletso ho tlohela mekhoha e etsang hore ba senyeheloe ke chelete ho sa hlokahale.

## Molaetsa ka Mookameli

Manollo ea mekhahlelo ea basebelisi ba litšebeletso tsa WASCO e entsoe. Sena se thusa basebelisi ba litšebeletso hore ba utloisise mekhahlelo ea bona le litefiso tsa teng. Re boetse re bua le ka methati ea ho sebetsana le likopo tse ikhethileng le litletlebo tsa basebelisi ba motlakase le metsi. Re boela hape le hlalosa liqholotso tseo Lekhotla le tobanang le tsona ha le rarolla litletlebo tsa basebelisi ba litšebeletso.

Joaloka setho sa mekhatlo ea taolo ea phano ea litšebeletso tikolohong le machabeng, LEWA e tlameha ho nna e phatlalatsa tse ling tsa litaba tse amanang le phano ea litšebeletso tsa motlakase/matla tse etsahalang moo. Khetlong lena, re tlaleha ka tsa kopano ea Liofisiri tse Kholo tsa Matla tsa Mokhatlo oa Ntšetsopele ea Moruo Afrika e Boroa (SADC).

E le ho ipeha sehlohlolong sa litaba tsa LEWA, u ka iphumanela kopi ea leselinyana lena ka ho chakela marang-rang a LEWA ho [www.lewa.org.ls](http://www.lewa.org.ls) 'me moo u tla tlatsa foromo e tla u thusa hore u romelloe leselinyana lena □

**Lebohlang K. Moleko (Professor)**  
Mookameli





# Sechaba se nonyola maikutlo holima kopo ea LEC ea litefiso tsa 2019/20 tsa LEC

**L**ekhotla la Taolo ea Motlakase le Metsi Lesotho le ile la tsoara likopano tsa ho nonya maikutlo a sechaba holima kopo ea nyollo ea litheko tsa 2019/20 tsa LEC ka linoko tse 14.2 mekhahlelong eohle ea tšebeliso ea motlakase le tsa Sekhahla se Holimo sa Tšebeliso ea Motlakase ho tloha ka la 13 Hlakola ho isa ka la 14 Tlhakubele 2019. Kopo ena ke ea leshome le metso e 'meli nakong ea taolo ea litheko tsa motlakase Lesotho.

## Mabaka a ka sehlophong a Kopo ea LEC

Lebaka la Tšenyehelo	Chelete e hlokoang ke LEC
Theko ea motlakase ho tsoa litsing tsa phehlo	M 444 milione
Litšenyehelo tsa tšebetso tsa letsatsi le letsatsi	M 320 milione
Litšenyehelo tsa ho lokisa le ho baballa thepa	M 109 milione
Mafura (diesel) a Setsi sa Phehlo ea Motlakase Semonkong	M 64 milione
Litšenyehelo tsa ho reka thepa e ncha	M 2.4 milione
Phaello holim'a matsete	M 136 milione

Kakaretso ea Kopo ea nyollo hore LEC e tle e phethele tšebetso ea eona ke chelete e kaalo ka M1.08 billion e bopiloeng ka mabaka a hlahisoeng ka Tafoleng ea 1 katlase mona.

## Libaka tseo limmoka tsa LEC li ileng tsa tsoareloa ho tsona

Letsatsi	Sebaka	Ho qaloa ka
13 Hlakola 2019	Mokhotlong: Mokhotlong Hotel	09:00 hoseng
14 Hlakola 2019	Leribe, Hlotse: Mohlapape Guest House	09:00 hoseng
20 Hlakola 2019	Qacha's Nek: New Central Hotel	09:00 hoseng
21 Hlakola 2019	Mohale's Hoek: IEMS Hall, Mohale's Hoek	09:00 hoseng
6 Tlhakubele 2019	Thaba-Tseka: Mohale-oe-Masite Hotel Hall	09:00 hoseng
14 Tlhakubele 2019	Maseru: Victory Hall (Mojalefa Lephole Convention Centre)	09:00 hoseng

Ho ea ka Khaolo ea 24(6) ea Molao oa LEA oa 2002, o hlomathisoeng, LEWA e ile ea etsa khoelehetso ea hore sechaba le batho ba ka khahloang ho hlahisa maikutlo a bona holim'a Kopo ea LEC hore ba fane ka maikutlo a ngotsoeng ekasita le ho ba teng lipitsong tsa ho nonya sechaba maikutlo (public hearings) libakeng tse boletsoeng tafoleng ea 1 kaholimo. Kopo ena ea nyollo e ile ea phatlatsoa Liofising tsa Babusi ba Litereke, ho litho tsa komiti ea LEWA literekeng le litsing tsa bophatlalatsi.



Ntate Khoabane Khalema oa CPA lebitsong la baji.

Nakong eo LEC e neng e teka Kopo ea nyollo kapela sechaba, e ile ea hlahisa likatleho tsa eona hara tse ling tšebetsong, e le khokelo ea basebelisi ba litšebeliso tsa motlakase ba 243 046 ho fihlela ka Mphalane 2018, phephelo ea motlakase ka linako tsohle ka liphelelo tsa tšebetso (targets) hammoho le ntlafatso ea marang-rang a motlakase, merero ea ho busetsa molemo sechabeng (CSR), hara tse ling.

Libakeng tsohle tseo limmoka li bileng teng kantle ho Maseru, boemeli ba sechaba bo tlele ka bongata ho tla fana ka maikutlo a bona holima Kopo. Kahar'a boemeli ba sechaba ho ka boleloa Mokhatlo oa Litokelo tsa Baji (CPA) le Mokhatlo oa Lifeme Tsa Lesela Lesotho (LTEA) e bile karolo ea sechaba se fanang ka maikutlo.

Mofumahali 'Mateboho Skundla hammoho le Monghali Mojalefa Mofobatha ba setereke sa Mohale's Hoek nakong eo ba neng ba fana ka maikutlo a bona, ba tekile lintlha tse 'maloa. Ntlha ea pele, e bile hore Kopo ea LEC ha e ea tšehetsoa ka tokomane ea libuka tse hlahlobiloeng 'me sena se etsa hore ba sitoe ho etsa khothaletso ea hore LEC e nyolleloe ka bokae. Ntlha ea bobeli, e bile hore tšenyolo le bosholu ba thepa



Mookameli oa Komiti ea LEWA ea Litheko, Ntate Ntsie Maphathe, o leboha sechaba le baphatlalatsi ba libata ka tšebetso.

ea motlakase li phahame haholo 'me ba belaela hore basebetsi ba LEC ke bona ba etsang tšenyo hammoho le batho ba bang ba tseba ka thepa motlakase. Ntlha ea boraro, ba re LEC e lieha ho rarolla mathata a phepelo ea motlakase. Ntlha ea ho qetela ke hore, likhokelo tsa motlakase liphahame haholo 'me seno se beha batho ba sa sebetseng tlokotsing hammoho le bana ba likhutsana (OVC's).

LEC e ile ea hlalosa hore litefiso tsa tšebeletso ea khokelo ea motlakase ke litefiso tse se sa etseng phaello ho K'hamphani kaha li ikamahantse le litjeo tsa thepa ea khokelo ka boeona. Hape, LEC e boetse ea hlalosa hore hara linyeoe tse makhotleng, ha hona moo basebeletsi ba eona ba amahangoang le tšenyo/bosholu ba mofuta oo kantle feela ho karolo e itseng ea sechaba hammoho le batho ba hlahang linaheng tsa boahelani joaloka Afrika Boroa le Mozambique.

Hape, LEC e hlalositse hore libuka tsa eona tsa lichelete li ntse li le motsohong a Mohlahlobi e Moholo oa Libuka (Auditor General) 'me li tla fumaneha hang ha li phethetsoe. Tabeng ea ho lieha ho fihla moo mathata

a leng teng, LEC e hlalositse hore sephethephethe se sengata se liehisa ho fana ka litšebeletso.

Monghali Khoabane Khalema oa CPA o ile a eletsa LEC hore e ntlafatse mokhoa oa eona oa tsamaiso le lichelete e le ho fokotsa bosenyi/bosholu, 'me e be nke mehato kapa hona ho behella ka thoko basebetsi ba fumanoang ba le molato oa tšenyo le bobolu.

O tsoetsepele ka ho lomahanya meno hore bosenyi bo sitisa kholo ea K'hamphani hammoho le moruo oa naha ea Lesotho. Ka hona, CPA e ile ea khothaletsa hore litefiso li se nyolloe ho hang.

Mofumahali 'Malikhabiso Majara oa Mekhatlo ea Lifeme tsa Lesotho (LTEA) 'mokeng oa Kopo ea Nyollo ea litheko seterekeng sa Maseru, o ile a tšoaella ka hore litheko tse nyolohang selemo le selemo tsa motlakase li nonyetsa keketseho ea mesebetsi liefemeng. Ka hona, ba khotlaletsa hore ho se nyolloe litheko ho hang. Kakaretso ea maikutlo a sechaba ho tsoa literekeng tsohle ke hore motlakase o nyolloe ka linoko tse peli ho isa ho tse hlano.



Baji nonyong ea maikutlo holima Kopo ea nyollo ea litheko tsa LEC.

Molula-setulo oa Komiti ea Taolo ea Litheko, Monghali Ntsie Maphathe haa koala 'moka oa nonyo ea maikutlo seterekeng sa Maseru, o ile a leboha sechaba le litsi tsa bophatlalatsi ka tšehetso le thahasello ea bona ho tloha ha phatlalatso ea Kopo ea nyollo ea litefiso tsa motlakase tsa 2019/20 e etsoa. O ile a boela a leboha sechaba ka ho fana ka maikutlo holima Kopo a ba a

se tiisa 'moko hore maikutlo a sona a bohlokoa kaha a thusa LEWA ho etsa qeto e molemong oa sechaba.

LEC e ne emetsoe ke tse ling tsa litho tsa Boto ea eona limmokeng tsohle literekeng lekhetlo la pele nalaneng ea eona ☐

Metsi ke bophelo!



Ha hole joalo, metsi a keke a koaloa mafelong a beke, matsatsing a phomolo kapa ka Labohlano.



## Mekhoa ea ho boloka metsi

**M**etsi ke bophelo 'me a lokeloa ho bolokoa kamehla. Taemane ea Lesotho joalokaha e bitsoa, mekhoabo ea eona e ntse e fokola ekasitana le karolong tse ling tsa lefatše. Lillo tsa sechaba holima tlhokahalo ea oona ho hlalosa bohlokoa boo a leng oona. Ka hona, bohle ba lokela ho kena khabong ea ho a boloka.

Below is water saving tips for home care.

**Ka tlaase mona ho hlalositsoe mekhoea ea ho boloka metsi malapeng:**

- Sebelisa metsi a ntloana ha ho hlokahala.
- Tšela botlolo e tletseng metsi ka hara moqongoana oa ntloana e le ho fokotsa tšebeliso ea metsi ka lithara tse 6.
- Sebelisa pampiri ea ntloana ho qoba ho kibeha ha metsi a phallang kahara ntloana hape u se



Metsi a bokelletsoeng a pula a ka sebelisoa matloaneng a metsi kapa ho noesetsa lijalo.

- sebelise ntloana e le moqomo oa lithole (dustbin).
- Koala valve ea ntloana. Sena se tla boloka metsi a WASCO.
- Sebelisa semonyolane (bleach) ho hloekisa ntloana ea hao hammoho le libakeng tse ling.

**Tlhoekiso ea 'mele le bohloeki:**

- Hlapa 'mele nako e nyane. Tšela mmele ka metsi e be o koala pompo ea metsi.
- Se ke oa tlohela hore metsi a phalle nako e telele kapa ka ho fella. Sebelisa kopi ha o hlatsoa meno, etc
- Sebelisa seponche (sponge) ha o hlapa. Sebelisa metsi a manyane ka waskom kapa bate e hlapang.
- Sebelisa lintho tse sa sebeliseng metsi ho hloekisa matsoho.
- Sebelisa metsi a hlatsoitseng bakeng sa ho ntsa likhoerekhoere ka ntloaneng. Metsi a mang a hlatsoitseng a ka sebelisoa ho tšella kapa ho hlatsoa matsoho.
- Se ke oa tlohela metsi a phalle ha o ntso emetse hore a chese.

**Ho hlatsoa liphahlo le likotlolo:**

- Hlatsoa feela liphahlo le likotlolo tse hlohang ho hlatsuoa.
- Sebelisa sesepa se lekaneng molemong oa ho polisa ka metsi a fokolang. Metsi a polisitseng a ka boeloa a sebelisoa hape.
- Emela hore liphahlo le likotlolo li be ngata ha o hlatsoa ka mechine ebe li hlatsoetsoa hang.
- Ho hlatsoa ka matsoho ho boloka metsi ho feta ka machine. Hlahloba mochine oa hao ka tšebeliso ea metsi.
- Sebelisa metsi a sebelitseng ba keng sa ho flusher ntloana e le setlamo.

**Majareteng le libakeng tsa kantle:**

- Sebelisa lefielo kapa metsi a bokelletsoeng a pula ho hloekisa libaka tsa ka ntle (outdoor).
- Koahela karolo e itseng ea jarete ka matlakala (mulch) e le ho boloka metsi le mongobo.
- Lokisa li-peipe (gutters) tse bokellang metsi ■




## Tšenyō ea thepa ea motlakase le metsi e tšoanela ho emisa

**T**šenyō ea thepa ea motlakase le metsi ke tse ling tsa lintho tse amang maemo a moruo hammoho le phano ea boleng ba litšebeliso tsa K'hamphani ea Motlakase Lesotho le K'hamphani ea Metsi le Likhoerekhoere (WASCO) habohlolo. Sena se etsahala ka mokhoa oa tšenyō ea thepa, bosholu ekasita le likhokelo tse seng molaong kahar'a naha.

Selemo le selemo, LEC le WASCO li iphumana li kena matšolong a tlhokomeliso litsing tsa phatlalatso hammoho le litsi tsa phethahatso ea molao e le mohato oa ho fokotsa tšenyō ea mofuta oona.

Lefapheng la Motlakase (ESI), LEC e qalile ho hlokomela tšenyō e kholo ea thepa ea eonaka selemo sa 2014, haholo Seterekeng sa Maseru. Monghali Mothae Nonyana oa LEC ha a buoa 'mokeng oa nonyo ea maikutlo a sechaba holima Kopo ea LEC ea 2019/20 seterekeng sa Mokhotlong, o ile a hlalosa hore LEC e lahlehela ke chelete e ngata haholo ka lebaka la tšenyō e etsahalang thepeng ea eona.


Ka tlaase ke tafolana e bontšang sekahla sa tšenyō (vandalism).



Ntate Mothae Nonyana a hlalosa boemo bo phahameng tsa tšenyō ea thepa ea LEC.

Monghali Nonyana ile a boela a hlalosa hore ka makhetho a mangata, batho ba tšeroeng ba ipolela ba isa thepa e joalo li-scrap yard tse Lesotho le tse linaheng tsa boahelani joaloka Afrika Boroa le Mozambique.

LEWA le ipiletsa ho sechaba ho hlokomela thepa ena e se fang litšebeliso esita le ho tlaheha ba senyang



Tšenyō thepeng ea motlakase e ba ka tahlehelo e phahameng ea lichelete ho LEC.

thepa e joalo mapoleseng 'me ba qobe ho inkela molao matsohong. Tšenyō ea thepa e kotsi kaha batho ba chesoa ke motlakase, e nyotobetsa moruo oa naha, ho khaoha hoa litšebeletso le tahlehelo ea metsi a phallang. Likhokelo tse seng molaong tsa motlakase ke tahlehelo ea chelete e bile ke kotsi ho bana ba tšoarang thepa e joalo ba sa lemohe letho. Batho ba fumanoang ba le molato ba ahloloa lilemo tse tharo ho isa ho tse leshome le metso e mehlano ka kotlo ea M15, 000.00.

Lethathamo la polokelo ea lietsahala LEC, litšenyehelo tseo K'hamphani e tobaneng le tsona ka 2014/15 e bile M48,000.00, 2015/16 e bile M1 milione ha 2016/17 e bile M60,000.00. Lefapheng la Metsi a Teropong (UWSS), WASCO e tobane le qholotso ea tšenyō ea thepa le likhokelo tse seng molaong. Lekhotla le eletsa sechaba ho tlaleha liketso tsa tšenyō ho LEC nomorong ena ea mohala (+266) 52100000 kapa ho WASCO nomorong ea (+266) 800 22011 kapa sepoleseng se haufi □

# Mekhoa ea ho boloka motlakase

**T**šebeliso e nepahetseng ea motlakase e bohlokoa hape e boloka le chelete. Ke boikarabello ba motho e mong le e mong ho sebelisa motlakase hantle e kaba ka nakong ea hlabula kapa ea mariha. Ho boloka motlakase ho ka fokotsa ho khaoha hoa motlakase.

Lintlha tse latelang ke tseo basebelisi ba motlakase ba lokelang ho li ela hloko.

## Fokotsa - sekhahla sa tšebeliso ea motlakase:

- Se khantše le ho sebelisa thepa le mabone a sa sebelisoeng
- Se be libakeng tse peli tse tsoanang –tima mabone le lisebelisoa tse hae ha o le mosebetsing
- Ha o tloha mosebetsing –tima mabone, mochine le thepa ea tšebetso. Phela sebakeng se le seng ka nako e le ngoe.

## Boloka – sebelisa motlakase nako e khutšoane kapa u qobe ho o sebelisa kahohle:

- Sebelisa lifuthumatsi (heater) nako e khutšoanyane hape o be o sebelise lifuthumatsi tse nang le mochini o laoloang ke maemo a mocheso kapa mohatsela (thermostat).
- Sebelisa li-jeresi (jersey), liphahlo tse futhumetsang le libotlolo tsa metsi a chesang e seng lifuthumatsi.
- Sebelisa metsi a manyane ka moo o ka khonang. Li-kisara (geyser) li sebelisa motlakase o mongata haholo ha li sebelisoa ho futhumatsa metsi a mangata!
- Se ke oa sebelisa lihatsetsi (fridges) tse peli ka nako e le ngoe e le ho baballa motlakase.

## Poloko ea motlakase – phetha mosebetsi ka motlakase o monyane:

- Sebelisa mabone a bolokang motlakase –fetola mabone a khale ka mabone a bolokang motlakase.

- Sebelisa thepa ea motlakase hantle –Se ke oa futhamatsa metsi a mangata ka ketleleng (kettle), tšela feela metsi a lekaneng.
- Sebelisa pitsa e lekaneng bakeng sa leifo la setofo ha o pheha.


## Fetola mokhoa oo o sebelisang motlakase ka oona – fokotsa tšebeliso ea oona hoseng, mantsiboea le ka nako eo batho ba leng ba ngata:

- Sebelisa mochini o hlatsoang hara beke eseng mafelo a eona ha tšebeliso ea motlakase e phahame
- Qoba ho sebelisa motlakase lipakeng tsa 8 le 11 hoseng le lipakeng tsa 6 le 9 bosiu hara beke kaha e le nako ea tšebeliso e phahameng ea ona
- Se sebelise lifuthumatsi (heater) lipakeng tsa 6 le 9 bosiu 'me o sebelise tsa gas ha ho khonahala e le ho boloka motlakase
- Hlahloba mochini oa letamo le sesang –sebelisa mochini oo lipakeng tsa 9 bosiu le 5 hoseng – eseng motšoare.

## Shebela pele–kenya lisebelisoa tse bolokang motlakase matlong a macha le a ntlafatsoang:

- Etsa bonnete ba hore litofoi (stove) tsa khase (gas), tsa letsatsi (solar) le siling (ceiling) tse bolokang mocheso li e ba teng meralong ea ntlo ea hao.
- Sebelisa banka ho etsa lintlafatso ntlong ea hao hore li be le li-solara.
- E ba le moralo oa ho sebelisa solara e belisang metsi ha kisara (geyser) eo o e sebelisang e phahloha.

## Phetoho ea litloaelo –tlhokomeliso, thuto le mekhoe:

- Hlalosetsa bana bohlokoa ba ho boloka motlakase.
- Nka motlakase e le se sebelisoa se bohlokoa se lokelang ke tšebeliso e ntle 



# Boithuto ka mekhahlelo ea basebelisi ba litšebeletso tsa WASCO

**H**o bohlokoa hore basebelisi ba lefapha la litšebeletso tsa metsi le likhoere-khoere ba utloisise ka botlalo mekhahlelo ea basebelisi ebile e le hona ho thusa WASCO le mosebelisi hore na metsi a sebelisitsoeng a makae.

WASCO hore e tsebe hore e patalisa litšebeletso tsa eona ho latela hore mosebelisi o sebelisa metsi a makae. Taba ena ea mekhahlelo e ruta le basebelisi ba litšebeletso hore ba tsebe boemo boo ba leng ho bona tšebeliso ea metsi le litšebeletso tsa likhoere-khoere. Mekhahlelo ena e thusa le sechaba hore se ele hloko tabeng ea ho sebelisa litšebeletso hantle.

Tokomane ena e ruta basebelisi ba litšebeletso tsa metsi le likhoere-khoere ka mekhahlelo e thusang hore ho kaloe litjeo tsa litšebeletso. Tafolana e katlaase mona e hlalositse mekhahlelo ena ea basebelisi e kenyelletsang basebelisi bao e seng ba malapeng.

## Mekhahlelo ea malapeng

**(Band A)** Mekhahlelo oa basebelisi ba malapeng o hlalosa hore lebanta la pele le kenyelletsa bohle ba sebelisang metsi a sa feteng li litha tse likete tse hlano ka khoeli.

Mekhahlelo ea basebelisi
<b>Basebelisi ba malapeng</b>
Mekhahlelo oa 1/ Band A (0 – 5000 l) – ha ba patala Tefiso ea khoeli le Khoeli
Mekhahlelo oa 2/ Band B (5000 – 10 000 l) – Ba patala Tefiso ea khoeli le Khoeli
Mekhahlelo oa 3/ Band C (10 000 – 15 000 l) – Ba patala Tefiso ea khoeli le Khoeli
Mekhahlelo oa bone / Band D (>15 000 l) – Ba patala Tefiso ea khoeli le Khoeli
<b>Mekhahlelo ea Basebelisi bao e seng ba malapeng</b>
'Muso
Likhoebob, lifeme
Likolo
Likereke
Lipeipi tsa sechaba

Ha eba mosebelisi oa metsi a sebelisa metsi a fetang likete tse hlano ka khoeli feela li sa fete li litha tse likete



Lipompo tsa metsi a sechaba li oela mekhahlelong oa basebelisi ba malapeng.

tse leshome, mosebelisi ea joalo o oela mekhahlelong oa lebanta la bobeli **(Band B)**. Bohle ba sebelisang ho tloha ka li litha tse likete tse leshome ho isa ho li litha tse likete tse leshome le metso e mehlano ka khoeli, bona ba oela mekhahlelong oa boraro **(Band C)**. Mekhahlelo oa ho qetela ke oa bohle ba sebelisang li litha tse likete tse leshome le metso e mehlano ho ea holimo, 'me bona ke ba mekhahlelo oa bone **(Band D)**, 'me mekhahlelo ona ke oa ba sebelisang metsi haholo ho feta ba bang.

## Mekhahlelo ea basebelisi bao e seng ba malapeng

Mekhahlelo ea basebelisi bao e seng ba malapeng ba bopuo ho latela likereke, ba likhoebob, ba lifeme, likolo, likereke le ba sebelisang li peipi tse ikemetseng. Tšebeliso ea litšebeletso tsa metsi le litjeo tse lokelang li kaloa ho latela hore na mosebelisi o oela mekhahlelong o feng oa tse boletsoeng ka holimo. Mekhahlelo ena ha e ea boptjoa ka mabanta (bands) joalo ka ha ho entsoe ka basebelisi ba malapeng. Litjeo tse sa tsitsinyeheng tsa khoeli-le khoeli le tsona li pataloe ho latela mekhahlelo e fapaneng □

## Methati ea ho arabela litletlebo, lipotso le likopo bakeng sa LEC le WASCO

**H**o ea ka kakaretso ea mosebetsi oa Lekhotla la Taolo ea Motlakase le Metsi Lesotho (LEWA), Lekhotla le lokela ho hlaisa, ho boloka, ho hlahloba le ho lokisa ha ho hlokahala tlhokomelo le tsoaro e nepahetseng ea bareki.

Ho etsa mosebetsi oo, Lekhotla le hlalositse liphelelo tsa phano ea litšebeliso le boleng ba motlakase, metsi le likhoere-khoere ho tataisa ha ra tse ling methati e amanang le tharollo ea litletlebo, lipatlisiso/liphuputso le lipotso.

Litletlobo, lipatlisiso le lipotso tse amanang le motlakase li mameloa le ho rarolloa ke K'hamphani ea Motlakase Lesotho. Litletlobo, lipatlisiso/liphuputso le lipotso tse amanang le metsi tsona li mameloa le ho rarolloa ke K'hamphani ea Metsi le Likhoerekhoere.

Lintlha tse amanang le tletlebo tse amanang le motlakase tse tlišitsoeng ke motho ka bo mong, ka fono kapa ka marang-rang li lokela ho rarolloa ka letsatsi le le leng ntle ho tiehiso. Hape, boemong boo litletlebo li ngotsoeng, LEC e lokela ho araba tletlebo e joalo ka lengolo nakong ea matsatsi a mahlano mme e rarolloe nakong ea beke tse peli. Boemong bona, bonyane linoko tse mashome a robong lekholong (90%) tsa boleng ba tsébetso li lokeloa ho fihleloa.


Lipotso tse amanang le basebelisi ba motlakase tse fumanoeng ka mohala (fono), marang-rang kapa ha mosebelisi a itlilitse li lokeloa ho rarolloa ka letsatsi. Boemong boo ho hlokahalang hore lipatlisiso li etsoe, bonyane ke linoko tse mashome a robong a metso e mehlano (95%) tse tsoaneloang ho sebetsoa ke LEC ka mongolo matsatsing a mahlano a tsébetso mme li rarolloe nakong ea beke tse peli.

Bakeng sa likopo tsa basebelisi ba fetolang kapa hona ho tlosa limithara tsa motlakase moo li leng teng ho ea libakeng lisele, tseo kaofela li lokeloa ho arabeloa ka mongolo nakong ea libeke tse peli. Bonyane ke linoko

tse mashome a supileng a metso e mehlano (75%) tsa boleng ba tsébetso tse lokeloang ho fihleloa ke LEC.

Litšebeliso tse bohlokoa tsa likhokahanyo, mohala o fumanehang nako eohle le tsébeliso ea marang-rang e lokela ho ba teng molemong oa tlaleho ea liphoso tsa motlakase. Liperesente tse lebeletsoeng tsa katleho ea tsébetso ke ea mashome a robong a metso e mehlano lekholong (95%). Ho feta moo, LEC e lokela ho ba le tsébetso ea mohala (fono-fono) le mokhoa oa marang-rang ba keng sa litletlebo, lipotso le likopo tse etsoang ho basebelisi ka nako ea tsébetso. Ke bonyane linoko tse mashome a robong le metso e robong lekholong (99%) tse lokeloang ho fihleloa.

Ho ea ka QOSSS ea litšebeliso tsa metsi litoropong, litletlebo tsohle joaloka boleng bo nepahetseng ba metsi, tletlebo ka mohala (fono-fono) kapa ha mosebelisi a itlilitse, li lokela ho sebetsoa ka letsatsi feela ke WASCO. Bakeng sa litletlebo tse ngotsoeng, li lokeloa ho arabeloa nakong ea matsatsi a mahlano mme li rarolloe nakong ea li beke tse peli.

Lipotso tsa basebelisi li lokela ho arabeloa nakong ea beke tse peli, empa tse tla hloka ho etsetsoa liphuputso tsona li lokela ho arabeloa ka mongolo nakong ea matsatsi a mahlano 'me li sebetsoe kapa ho rarolloa ka matsatsi a leshome a tsébetso. Likopo tsa basebelisi li lokela ho rarolloa ka mongolo nakong ea matsatsi a leshome li fumanoe. Bakeng sa phano ea litšebeliso le boleng ba metsi, se lebetsoeng ke linoko tse mashome a robong lekholong (90%) tsa khotsofalo ea mosebetsi. Ka bobeli LEC le WASCO li lokela ho araba mohala oa mosebelisi nakong ea metsotsoana e leshome le metso e mehlano, eleng hore fono e se lle ho feta makhetlo a mane e sa arabeloe. Holim'a tsohle tse hlokehang bakeng sa tharollo ea mathata, LEC le WASCO li lokela ho fana ka thuto ho basebelisi ba motlakase le metsi. Hape, litsi tsena li lokela ho boloka litokomane tsa lethathamo la litletlebo mme e bonahatse mofuta oa tletlebo tsohle, le nako ea tharollo ea tletlebo 

## Lintlha tsa bohlokoa tharollong ea litletlebo

**K**e mosebetsi oa Lekhotla la Taolo ea Metsi le Motlakase Lesotho ho hlokomela hore litsi tse tlasa taolo ea lona li etsa tšebetso e bolokehileng ho latela liphelelo tsa Molao o thehileng Lekhotla.

Hona le lintlha tse hlokanang ho seka-sekoa le basebelisi ba litšebeletso tsa Metsi le Motlakase tseo Lekhotla le ithutileng tsona litletlebong tseo le li amohetseng hangata. Lintlha tsena li ipapisitse haholo le litaba tsa tsebeliso ea mobu oo litšebeletso tsa metsi le motlakase li leng ho tsona 'me li lokolisitsoe.

### Ho kena-kenana le mobu o haufi le marang-rang a metsi kapa motlakase ntle le tumello

E le ho boloka likamano tse nepahetseng lipakeng tsa ba fanang ka litšebeletso le ba li fuoang, basebelisi ba litšebeletso ba lokela ho hlokomela hore ha ba hahe matlo kapa ho hong moo tšitiso e ka bakehang thepeng ea motlakase, metsi le likhoere-khoere. Taba ena ha e etsahala e etsa hore melaoana le liphelelo tsa polokeho li se hlompjoe. Sechaba se eletsoa ho se hahe eng kapa eng ka tlase kapa holima lithapo tsa motlakase kapa marang-rang a lipeipi tsa metsi le likhoere-khoere e le molemong oa polokeho.

Kotsi e ka etsahala ha liphelelo tsa polokeho li sa eloe hloko. Mosebelisi ea ahileng tlasa thepa ea motlakase kapa marang-rang a metsi, a ka iphumana a hlotsoe ho lula ntlong ea hae kapa hona le ho fua litšebeletso ke LEC le WASCO.

Moo e bang motho o na le thahasello ea ho haha pela thepa ea motlakase kapa ea metsi, o lokela ho atamela litsi tsa phano ea litšebeletso sebakeng sa malebela, e le ho qoba kotsi.

### Litsekisano tsa mobu

Ho bohlokoa hore sechaba se tsebe mesebetsi ea Lekhotla ka botlalo mabapi le litsekisano tsa mobu.

Moo 'moko taba oa tletlebo e leng litsekisano tsa litokelo holima mobu, Lekhotla ha lena matla a ho sebetsoa litletlebo tse joalo empa li ka sebetsoa ke litsi tse fuoeng matla ka molao. Lekhotla le lokela ho atameloa moo tletlebo e amanang le marang-rang moo a ka bakang kotsi.

Thahasello ea Lekhotla ke ho bona hore litšebeletso li fanoa ka tsela e nang le polokeho. Moo 'moko taba oa tletlebo o itšetlehileng holima litokelo holima mobu, empa le teng e ama litšebeletso tsa metsi kapa motlakase, taba ea litokelo holima mobu e lokela ho sebetsoa pele ke ba tsekisanang. Ka morao ho moo, Lekhotla le ka atameloa hore le kene lipakeng ntlheng ea litšebeletso kapa eona polokeho, moo le teng tlhokahalo ea polokeho e sa tatang haholo.

### Matšeliso

Taba e ngoe ea bohlokoa eo Lekhotla le lakatsang ho e arolelana le sechaba, ke holima matšeliso a lichelete. Sechaba se lokela ho utloisisa hore mosebetsi oa Lekhotla ha o fetele litabeng tsa matšeliso a lichelete. Litaba tsena li ka sebetsoa ke makhotla a molao kapa litsi tse ling tse fuoeng matla ka molao. Lekhotla le sebetsoana feela le lintlha tse amanang le litšebeletso tsa metsi le motlakase.

Ho latela thuto e manollotsoeng ka holimo, basebelisi ba litšebeletso tsa motlakase, metsi le likhoere-khoere ba khotlaletsoa ho ithuta haholo ka tšebetso ea Lekhotla, ea litsi tsa phano ea litšebeletso 'moho le litokelo le boikarabello ba bona.

Litaba tsohle tse bohlokoa tse amanang le phano ea litšebeletso li ka fumaneha litsing tsa phano ea litšebeletso (LEC/WASCO). Litaba tse ikamahantseng le taolo ea litšebeletso tsena li ka fumanoa ho [www.lewa.org.ls](http://www.lewa.org.ls). Litletlebo le lipotso tsohle tsona li ka isoia ho [secretary@lewa.org.ls](mailto:secretary@lewa.org.ls). Nomoro ea Lekhotla ea mohala eona ke +266 22312479 □



## Liofisiri tsa Matla tsa SADC li buisana ka ho sebelisa matla a inchafatsang

**H**o tloha ka la 28 ho isa la 29 Tlhakubele, 2019 Phutheho e Khethehileng ea Liofisiri tse Kholo tsa Lefapha la Matla linaheng tsa Mokhatlo Ntšetso pele ea Moruo Afrika e Boroa (SADC) e ile ea tsoareloa, Johannesburg, Afrika Boroa ho bua ka lintlha tsa morao-rao tsa lefapha.

Leha ho ile ha etsoa liqeto tse 'maloa phuthehong ena leselinyaneng mona ho qotsitsoe tse ling tse amang le taolo ea litšebeliso le motlakase (regulation). Kutloisiso ke hore litaba tseo li tla ama le tsa motlakase kahar'a naha ea Lesotho.

E'ngoe ea litaba tse ileng tsa tšohloa ke merero ea SADC e holima ntšetso-pele ea ho sebelisa matla a inchafatsang ka tsela ea moshoelella. Taba e 'ngoe ke tsela ea ho eketsa mokhoa oa hore bohle ba nang le kob'a bohali SADC ba kenyelletsoe mererong ea eona. Morero ona o tšehelitsoe ka lichelete ke Banka ea lefatše le litsi tse ling tsa machaba.

Merero ea SADC e boletsoeng kaholimo ka tšebelisanom-moho le 'Mamekhatlo ea Makhotla a Taolo ea motlakase Afrika e Boroa (RERA) Setsi sa Matla a inchafatsang le tsa Paballo ea matla (SACREE), Setsi sa Koetliso sa Tikoloho ea Kafue (KGRTC) a ile ea hlohonolofatsoa.

Merero eo ke ena:


- Ho etsa hore ho be bobebe hore batseteli ba be bangata lefapheng la tsamaiso ea motlakase (transmission) la SADC, ka ho theha mokhoa oa ho fumana lichelete tse tla sebelisoa morerong ona.
- Ho eketsa sekhahla sa phehlo ea motlakase ka tsela e bolokehileng ka matla a inchafatsang tlas'a lenane la ntlafatso ea matla a letsatsi la Afrika e Boroa (SASA).

- Ho eketsa sekhahla sa lithuso tsa mahlale Bolaoling ba SADC, RERA, SACREE le KGRTC le mekhatlo e meng ea tikolohoe shebaneng le litaba tsa matla. Taba mona ke ho matlafatsa litsi li khone ho etsa tšebetsoea tsona.

Phuthehong ena liofisiri li ile tsa tsebisoa hore Bongoli ba SADC bo se bo hlakisitse tokomane ea ho ntlafatsa boemo ba litšebeliso likolong (RIDMP) Moralo oa Matla, Botseteli le limmaraka bakeng sa merero ea Matla SADC ea 2016, le ea litsi tse fanang ka litšebeliso tsa motlakase tlasa mokhatlo oa tsona o tsejoang ka hore Southern African Power Pool (SAPP).

Kamor'a hore Banka ea lefatše e phatlalatse leano la eono la katamelo ea sechaba ka tšebelisanom-moho le SADC le mekhatlo ea eona lefapheng la Matla phutheho e ile ea lumellana hore ho matlafatsoe RERA le makhotla a taolo a linaha tsa SADC ho hlola liqholotso tse e tjametseng. Mathata a akha boemo bo maemog a tlase a thepa ea phepelo ea motlakase, litsi tse sa rateng ho sebelisa mmoho le mmaraaka oa SAPP le litsi tse ling tse ka rekisang ea motlakase ka litheko tse tlase tikolohong.

Banka ea lefatše e ile ea boela ea hlahloba pampiri ea eona e ne le holima tšebelisanom-moho le ba nang le kobo'a bohali litabeng tsa matla hammoho le SADC, SAPP le RERA.

Litabeng tsena tsa matla ho ka boleloa hape hore matona a linaha tsa SADC a ne a se a ile a etsa taelo ea hore ho thonngoe baemeli ho ea emela linaha lefapheng la khase la linaha. Lesotho le ne le so thonye moemeli 

*Mohloli oa litaba: SADC/EOSEOM/2019/3*

## Lipehelo tsa ho rarolla mathata a marang-rang a motlakase

**L**ekhotla la Taolo ea Motlakase le Metsi Lesotho (LEWA) le ikitlaelletsa ho ntlafatsa litšebeletso tsohle tse fanoang ke lik'hamphani tse laoloang ke eona le ipapisitse le thomo ea lona. Ho feta moo, litšebeletso tse joalo li lokela hore li lule li ipapisitse le maemo a lipehelo tsa litšebeletso tse thathamisoeng kahar'a tokomane ea Lipheho tsa Boleng ba Litšebeletso tsa Phepele ea Motlakase, Metsi le Likhoere-khoere (QoSSS).

Meeli ea litšebeletso tse khotsofatsang ho ipapisitsoe le litaba tsa tharollo ea mathata a marang-rang a rarolloang ke LEC li hlahisitsoe katlase mona.

Tse kenyelelitsoeng tafoleng ena e katlase ke litšebeletso tse hloailoeng le linako tseo LEC e lokelang ho li sebetsa ka eona. Tokomane e hlahisang lethathamano la litšebeletso tsena le boemo ba litšebeletso e ka fumaneha liofising tsa LEWA. Ka nq'a e 'ngoe tokomane e joalo e ka fumaneha ho marang-rang a LEWA a latelang: <http://www.lewa.org>.

[Is/standards/standard/QoSSS](http://standards/standard/QoSSS).

Ho bohlokoa ho bontša hore ke boikarabello ba LEC ho batalatsa mabala sebakeng sa phetiso ea melaetsa joaloka tšebeletso ea lihora tse 24 tsa fono le litšebeletso tsa marang-rang molemong oa ho tlaheha tšetiso ea litšebeletso.

Ho boetse ho bohlokoa ho totobatsa hore lipehelo tsena tse kaholimo li sebetsa maemong a tloaelehileng a mosebetsi, 'me maemong a sa tloaelehang, k'hamphani e fanang ka litšebeletso e lokela ho leka kahohle ho qoba tšetiso ea litšebeletso.

Moo lipehelo tsena li sa fihleloang, tletlebo e ka hlahisoa 'me ea tletlebang o koptjoa ho latela methati e behiloeng ea ho etsa tletlebo. Kahoo, bothata bo ka tlaheha pele ho k'hamphani ea fanang ka litšebeletso, 'me kamorao ho moo haeba taba e sa sebetsoa ka tsela e khotsofatsang, e ka fetisetsoa lekhottleng hore le kene lipakeng □

Minimum Standards	
Tšebeletso	Lipehelo
Phano ea litaba ho litsi tse tlaehang mathata a motlakase	Lintlha mabapi le sebaka le lihora tsa tšebeletso tsa litsi tse tlaehang e lokela e fuoe basebetsi liofising tsa lik'hamphani, moo motlakase o rekisoang le bophatlalatsing ba naha.
Methati ea ho tlaheha mathata	K'hamphani e lokela ho fa mosebetsi ea tlaehang bothata nomoro e bontšang hore o tlaehile. Mosebelisi o lokela ho fana ka lintlha tsa boitsebiso ba hae.
Ho khaoloa ha litšebeletso ntle le boikhetheho	30% ea phepele e khaotsoeng e lokela ho khutla nakong ea hora le metsotso e 30. 60% eona komar'a lihora tse 3 le metsotso e 30, 90% nakong ea lihora tse 7 le metsotso e 30, 100% nakong ea lihora tse 24.
Ho khaoha ho reriloeng	Tsebisano e lokela ho etsoa lihora tse 48 pele ho khaoha ho joalo ho ba teng. Moo ho amehang likhoebo tse kholo, k'hamphani le basebelisi ba lokela ho lumellana.
Nako ea ho khaoha	Nako ea ho khaoha ho reriloeng ha e lokele ho feta lihora tse 8 mefuteng eohle ea marang-rang le matla a fapaneng a motlakase.

## Motlakase o kotsi ha o sebelisoa hampe!

Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.



**Lekhotla la Taolo ea Motlakase le Metsi Lesotho**  
le na le boikarabello ba ho hlokomelisa sechaba ka tšebeliso e mpe ea motlakase e ka bakang likotsi.